


7268



4232

ԱԼ. ՔԻՇՄԻՇԵԱՆՑ

ԲՈՅԱՏԵՐԻ ՄԵԾԱՐԱՆՔԸ

(Արտատուած «ՄՈՒԲՃ» ամսագիր)




ԹԻՖԼԻՍ
ՏՊԱՐԱՆ Մ. Գ. ԱԶՏԻՇԵԱՆՑԻ

1891

ԱԼ. ՔԻՇՄԻՇԵԱՆՑ

Հանգեց հայրական
քառա թ ամենաշատ շաբաթական
22/VI - 1909թ. *Թ. Քիշմիշ*

ԲՈՅՍԵՐԻ ՄԵԾԱՐԱՆՔԸ



(Արտաժապատ «ՄՈՒԻՐՃ» ամսագրից)



ԹԻՖԼԻՍ
ՏՊԱՐԱՆ Մ. Դ. ՌՕՏԻՆԵԱՆՑԻ

1891



ԲՈՅԱՐԻ ՄԵԾԱՐԱՆՔԸ

Ամեն ժամանակներում, մարդկաւին ազգի զարգացման որոշ աստիճանի վերաէ գտնւելիս, շատ բազեր ունեցել են առանձին խորհրդաւոր նշանակութիւն, և մարդիկ նոցա իբրև սրբութիւն պաշտելիս են եղել: Որովհետե նախկին մարդուն չատուկ էր իւրաքանչիւր իրան շրջապատող առարկա բացատրել իւր հասկացողութեան համաձայն, այս պատճառով բոլորի խորհրդաւոր նշանակութիւնն և նոցա սրբազան մեծարանքը փոփոխուում էր համեմատ մարդուս զարգացման աստիճանին: Յակտնի գիտնական Տէկորն իւր «Կրթութեան ծագում» անուն երկասիրութեան մէջ զուրած է բերած բոլորի պաշտօնի կամ մեծարանքի հետզետէ զարգացման մի քանի աստիճանները: Նորա ասելով, մի քանի ազգեր կարծում են թէ ծառն ունի բանական էակի բոլոր որակութիւններն ու լատկութիւնները և հետեապէս կարող է ըստ իւր կամաց վեասել կամ պաշտպանել մարդուն. թէ նորա մէջ չար ոգիներ են լառաջացել և իբրև թէ ծառը կարող է լինել հանգիստ առնելու մի վայր, ուր հաճութեամբ իջնում է մի որ և է երկնակին ողի. ուստի և ծառերի շըրջակաւքը շատ լարմար տեղ էին համարում աղօթարաններ շինելու և զոհեր մատուցանելու, ի պատիւ նոցա մէջ ընակւող ոգիների:

Երկրպագութեան և մեծարանաց զարգացման այս վերջին աստիճանում միակերպ սրբազան էին համարում

Дозв. ценз. Тифлисъ. 7 Марта 1891, г.

Типогр. М. Д. Ротинианца, на Голов. пр. соб. д. № 41

թէ առանձին առած ծառերը և թէ ամբողջ անտառները,
ուր մարդիկ անխտիր կանգնեցնում էին հեռմն իրանց
աղօթարանները:

Եթէ առանձին ծառերը կամ ամբողջ անտառը
մարդուս աչքում սրբազն էին համարում, ոչ պակաս
պաշտելի էին նորա համար և ծաղիկները: Մարդու պաշ-
տելի Աստուծու ուշադրութեանն արժանանալու կամ նորա
ցասումը մեղմացնելու համար, նորան ծաղիկներ էր մա-
տուցանում կամ զոհում էր նորան իւր ազու կամ պար-
տիզի երեխալրիքը, Յետազաւ ժամանակներում մարդու,
իւր զարդացման աւելի բարձր աստիճանի վերաւ, ծա-
ղիկներին տևել է խորհրդաւոր նշանակութիւն և նոցանով
հմայելով զուշակել է իւր բազդին ու վիճակը:

Ներկաւ գրւածքում մտադիր ենք համառօտակի
չառաջ բերել ծաղիկների, ծառերի և առհասարակ ան-
տարի խորհրդաւոր և սրբազն նշանակութիւնը, որ
տեղի է ունեցել մարդկացին աղդի զանազան ցեղերի
աչքում՝ նոցա մի որոշ զարդացման աստիճանի վերաւ:
եղած ժամանակ: Սորան կից առաջ կը բերենք հայ
աղդի հեթանոսական շրջանից սկսւած մինչև մեր ժա-
մանակները բուսական թագաւորութեան տւած չարգանքը,
ի հարկէ որբան մեղ կը ներեն այն կցկառւը և կարճ
տեղեկութիւնները՝ որ ցըւած են մեր հին և նոր գրակա-
նութեան մէջ, չը խորշելով և բանաւոր աւանդութիւն-
ներից, որ պատում են ափմ մեր ժողովրդի մէջ: Պարտք
ենք համարում սակայն մեր ասածներին աւելացնել և
այն որ այս դէպքում ձեռնապահ պիտի մնանք մեր առաջ
բերած փաստերին որ և է բացատրութիւն տալու, այլ
պիտի բաւականանք այդ փաստերն ընթերցողին իբրև
տեղեկութիւնների ժողովածու ներկաւացնելով: Խոսապա-
նում ենք որ մեր ժողոված փաստերը շատ թերի են,
մանաւանդ աղգալին աւանդութիւնների վերաբերմամբ,

որովհետեւ սոցա ի մի ժողովելն և լոս ընծաւելն ազգին
աւելի ծանօթ և աղգալին մատենագրութեան աւելի հմուտ
անձի գործ է,

Բոլոր ազգերից՝ արենելան ժողովարդների աչքում
ծաղիկները աւելի մեծ նշանակութիւն ունեն, աւելի
պաշտելի են, արժանանալով նոցա առանձին ուշադրու-
թեան: Մանաւանդ Պարսկաստանում և Հնդկաստանում
իւրաքանչիւր ծաղիկ որ և է զաղափարի նշան է: Օրի-
նակի համար՝ հնդկաց կրօնի մէջ զունաւոր և հոտաւէտ
ծաղիկները ամենից շատ էին չարգում և արժանանում
աստուածներին նւիրաբերելու. այն ինչ տերեններ և հա-
սարակ ծաղիկները զոհուում էին կամ պատմական նշա-
նակութիւն ունեցող հանգամանքներում կամ եթէ այդ
բոլուսերի տերեններն ու ծաղիկները կապ ունէին որ և է
խորհրդաւոր առարկաների հետ: Ալսպէս՝ Տրիմուտի
կամ երրորդութեան ներկաւացուցիչ աստուծուն նւիրաւէ
էին երկու բոլոսեր, որ մեր առւոտի (եօնջալի) նման
երեք տերե ունին և նշանակում են երրորդութիւն: Կրի-
շանու և Վիշնու աստուածներին նւիրաւ էր մեր ուհանի
տեսակից մի բոլս, որ ունի սպիտակ և անուշահոտ ծա-
ղիկներ. վասն որով այդ բոլսն առանձին պատրի արժա-
նանալով գործ էր զրւում ամենալին օր զոհաբերութեան
ժամանակ: Աւանդութեամբ Կրիշանուն Բրինդաբունի
կաթնավաճառ աղջկանց հետ խաղացել է հարաբեկ կոչ-
ւած ծառի տակ, որի զնդաձե զեղին ծաղիկները չատ-
կապէս նորան են նւիրաւ: Հնդկաստանում ալլ ծաղիկ-
ները սրբազն են համարում, ուստի նոքա նկարւած ու
քանդակւած են շատ թանկաղին իրերի և առարկաների
վերաւ: Աւանդութեամբ նոյն Պրիշանուն իւր սրնգի նւա-

գով յափշտակում էր կաթնավաճառ աղջկանց Բակուլա կոչւած ծառի տակ. ուստի այժմ այդ բոյսի դեղին և անուշանոտ ծաղիկները նւիրած են նորան և Սիամին: Մի ծառ և՛ որ կոչւում է պէրէջատի, համարւում է խորհրդաւոր բայց ոչ սրբազն: Սորա ծաղիկները ծաղկում էին Խնդրակի պարտէզում, երկնքում: Կրիչանուի երկու ամուսինները վիճում էին թէ նոցանից որին է պատկանում այդ ծաղիկն որ գողացել է նոցա ամուսինն երկնակին պարտէզից. Ան որից, երբ կրիչանուն գողացաւ այդ ծաղիկը, սա անիծւց և մնաց երկրի վերաչ իրեն բոլոր ծաղիկներից վատթարագոյնը. ուստի և այդ ծաղիկը չէ գործածում զոհաբերութեանց ժամանակ:

Հնդկաց առասպելաբանութեան մէջ կամադեան, ինչպէս կուպիդոնը, սիրոց Ասառած է և նոյնպէս նկարւած է նետ ու աղեղով. Առասպէլը պատում է՝ որ նորա նետերը շրջապատւած են հինգ տեսակ նւիրական ծաղիկներով. նոյն կամադեակին նւիրած է պանդանգ բոյսն, որի ծաղկափոշին անուշանոտ է. Այդ ծաղկափոշին հաւաքում են և ի վաճառ հանում, որովհետեւ հարսանեաց օրն այդ ծաղկափոշին գործ է ածւում նորապսակների վերաչ թափելու համար:

Առհասարակ այն բոլոր ծաղիկներն որ իրանց գոյնով, գեղեցկութեամբ և հոտով աչքի են ընկնում, արենելեան աղջերը նւիրաբերում են աստուածներին: Այս պատճառով Հնդկաստանում իւրաքանչիւր մի այդպիսի ծաղիկ տաճարի դրանը կանդած «սաթանիս» կոչւած ծաղկափաճառները առաջարկում են հաւատացեալներին, որ գնում են աստուածներին նւիրաբերելու համար: Իսկ այն վերոշիշեալ յատկութիւններ չունեցող ծաղիկներն առապելական աւանդութիւնների մէջ սովորաբար վերաբերում են կամ աստուածութեան հետ կազ ունեցող որ և է հանդամանքին կամ աւանդութիւնը այդպիսիներին տա-

լիս է որ և է խորհրդաւոր նմանութիւն այն աստուծու վատկանիշներին, որին այդ ծաղիկները նւիրած են:

Հնդկաց և մանաւանդ եղիպտացւոց առասպելաբանութեան մէջ մեծ նշանակութիւն ունեէր լուսա բոյսը, որ շատ նման է մեր հարսնամատին (նունուֆարին): Լուտասն եղիպտացւոց ամենասիրելի ծաղիկն էր և նորանից նոքա կազմում էին պսակներ և վինչեր: Այդ ծաղիկը, Նեղոս գետի աստուածը համարւելով, հին ժամանակներում նկարում էր շատ վշատակարանների վերաց, որ այժմ իսկ պահպանւած են: Լուտասը, ինչպէս և մեր հարսնամատը, ունի անթիւ նեղ և սպիտակ թերթեր. երբ արեր մաք էր մտնում, թերթիկները ծածկում էին վարսանդի գլուխը, իսկ երբ արել ծագում էր—թերթիկները բացւում էին և ծաղիկն երեսում էր ջրի երեսն: Մեր քերթողահայր Մովսէս Խորենացին իւր աշխարհագրութեան մէջ այդ ծաղկի առասպելական յատկութեան մասին գրում է հետեւեալը՝ «լինի զԱփրիկէ բանջար ինչ լուտաս անուն, զոր թէ ուտէ ոք՝ զհացենիսն մոռանաց»:

Լուտասը թէ նդիպտոսում և թէ Հնդկաստանում սրբազն էր համարում և նշանակ էր պտղաբերութեան: Ուստի Հօրուս աստուածը, որ ծագող արեգակի պատկերն էր համարում, զարդարւած էր այդ բոյսի ծաղիկներից կամ կոկոններից կազմած պսակով, իսկ երբեմն էլ այդ աստուածը պատկերացնում էր ջրից բարձրացողլաւտասի ձևով:

Յունաստանի և Հռոմի առասպելների մէջ ծաղիկներին առանձնապէս մեծ նշանակութիւն չէ յատկացրած և աւանդութիւններից շատերը խօսում են միաւն մի քանի բոյսերի ծագման մասին: Օրինակի համար՝ կարելի է վիշել պատանի Նարզիսին, որ իւր պատկերն աղբիւրի մէջ տեսնելով սիրահարւել է նորա գեղեցկութեան. բայց իմանալով որ իւր սիրոց այդ առարկան չի կարող ձեռք

բերել, լուսահատութիւնից ինքն իրան սպանում է։ Պատանու արիւնը ծաղկի է փոխարկւել և այն ժամանակից կոչւում է՝ նորդէն, կրելով այն պատանու անունը։ Յաւշրժահարսները նորա մարմինն ալրելու համար խարով են պատրաստում, բայց նորա դիակի փոխարէն՝ աճիւնի մէջ ծաղկի են գտնում։

Դափնին՝ Ապոլոնից հալածւած, վախենալով որ նորա ձեռքը չ'ընկնի, աղերսում է աստուածներին իրան պաշտպանել ուստի փոխում է ռափէ ծառի։ Ապոլոնն աղդ ծառի տերմաներից պասկ է զնում իւր գլխին և հրամացում է ալդ ծառն իրան նւիրել։ Այս պատճառով Ապոլոնի տօնախմբութիւններին, որ անզի էին ունենում իննը տարին մի անգամ, դափնի էին գործ ածում։

Աղոնիս՝ Աստղիկի սիրեկանը, որսի ժամանակ վարագից վիրաւորւած մեռնում է։ Աւանդութիւնն ասում է՝ որ երբ Աստղիկն իւր սիրելով մահւան պատճառով սաստիկ վշտացած արտասւում է նորա դիակի վերակ, Ադոնիսի արիւնը վարդի է փոխում, իսկ դիցուհու արտասունքն առանքն ծաղկի, որ համերէն կոչւում է վարդակակաչ։

Ի պատիւ Դէմէտրէ դիցուհուն տրտած սրբազն հանգէններում, աթէնացի տիկինները զարդարում էին իրանց անկողինը Գոտեաց ձռնէ կոչւած բոլոր տերմերով, որպէս զի ալզափիսով հեռացնեն իրանցից դալթակդիցուցիչ մտքերը։ Սոյն բոլոն այն հիման վերակ լատիններէն կոչւում է vitez agnus castus, որ նշանակում է ողջախոն զառն։ Հին բժիշկները գործ էին ածում ալդ բոլոսը իրեն անարատութիւն պահպանելու մի միջոց¹⁾։

¹⁾ Քալանթարեանի կեն բժշկաբանում, տպած նոր Նախիջևանում 1793 թ., այս բոյսի մասին տպած է՝ «Աւելին և տերեւն նորին է գեղ ընդգէմ ցաւոյն վաւաշոտութեան»։

Զմուրո՞ որ Արարիացում բուսնող մի ծառից ծորոյ անուշահոտ և լեղահամ խէժ է, ըստ աւանդութեան Կիպրոսի թագաւոր Կինարոսի գուստը Միուացի արտասուքն է։ որովհետև ալդ աղջիկը, պատժւելով իւր հօրը չափազանց սիրելուն համար, փոքր թփի փոխւեց։

Հատ տեսակ աւանդութիւններ կան նաև ծառերի մասին։ Հին աղգերի առասպելների մէջ անխտիր կրկընւում է որ եղել են առանձին լատկութիւններ ունեցող ծառեր որ պաշտպանում են օձից։ Նա ով կը խմէր աղդպիսի ծառերի պտղի հիւթը, երբէք չէր մեռնիր Մանաւանդ սրբազն էր համարում թէ կոչնի ծառն և թէ հոմնի, որովհետև ալդ վերջինի սապարթը ձմեռն անգամ չէ թափւում։ Նոմին ընդհանրապէս մեծարուում էր Պարսկաստանում, իսկ Ամերիկակի հնդիկներն ալդ ծառը սրբազն համարելով կախում են նորա զանազան նւիրաբերութիւններ։ Յունաստանում նոմինները համարում էին էթէոկի զստերք, որոց դիցուհին արհամարհում էր, որովհետև գեղեցկութեամբ նոքա մրցում էին իրանց մօր հետ։

Մրտենն նոմինպէս սրբազն բուս էր։ Նա Արէս պատերազմական Աստուծու Նշանակն էր. վերջը զարծ էր զրում Աֆրոդիտէի պսակի մէջ, երբ ալդ դիցուհին ծովից զուրս գալով, սա տիրաններից հալածւած՝ թագ կացաւ մրտենեաց մէջ։ Արևելքում մինչև ալժմ ալդ բոլոր սրբազն է համարում։ Հրէանները մինչև օրս նորան գործ են ածում տապանակի տօնին, իսկ արաբացիք նորան համարում են մէկը այն երեք առարկաներից որ իբր Ադամը զուրս է բրել դրախտից։

Հիւսիսակին Եւրոպակի աղգերի առասպելաբանութեան մէջ հացէնին տիեզերական ծառ էր. Գերմանիակում շրէնին կիւրակի օրւան նւիրած ծառ էր համարում։ իսկ Եւրոպան մարդին (եղեկինը) սրբազն ծառեր էին ալդ երկրի շատ աղգերի համար։ Սուրբ Մարտինը Ֆրան-

սիակում հեթանոսական մեհեանները տապալելիս՝ ձեռք չը տւալ թեղօշի անտառներին:

Չիւնին դեռ մարդկութեան սկզբնաւորութիւնից յայտնի է և նորա գեղեցկութիւնը յաճախ վիշտում է Ա. գրոց մէջ: Զիթենին անտարակուս թէ քրիստոնէից և թէ հրէից մէջ սրբազն վիշտակներ է յարուցանում, որով հետեւ ադր պատմական բոլոր կապւած է Քրիստոսի երկրաւոր կեանքի հետ. ուստի և ձիթենին մեծ պատիւ է վայելում դոցա աչքում ևս հաւասարապէս:

Վերջապէս սրբազն տօների ժամանակ աստուածներին զանազն պտուղներ էին նվիրում, ինչպէս Բաքոսին՝ գինի և մինչեւ անգամ պտուղներ և ծաղկներ:

Աժմ դառնանք մեր աղջափն այն աւանդութիւններին որ վերաբերում են մեր աղջի հեթանոսական ժամանակ բուսերին ցոց տւած յարգանքներին:

Հայոց հեթանոսութեան ժամանակ, երբ Բագրեանդայ դաշտում կտուարում էր Նաւասարդի տօնը, անշոշտ ակտ տօնի հանդէսների ժամանակ բուսական թագաւորութեան ներկացացուցիչները մեծ ծառաւութիւն էին մատուցանում հանդիսակատարներին: Ազդուեղ Բագաւան կամ Դիցաւան կոչւած աւանում կանգնած էր Ամենաբեղ աստուծու արձանը, որ շատ սիրելի և պաշտելի էր Հայաստանում: Նա համարում էր պտուղների խնամակալ և տարին մի անգամ՝ Հայաստանում բերքերի հասունանալու: Ժամանակ, հաւաքւում էր և հայ հեթանոս ժողովուրդը, աշխարհախումբ մի տօն էր կատարում նաւասարդ ամսի մէկից մինչեւ վեցը. և որովհետև Ամենաբեղ աստուծու տօնը տարեգլխին էր ընկնում, ուստի և ադր տօնն անւա-

նում էին Ամանոր, որ նշանակում է տարին նորոգող, Ազդ տօներին հեթանոս հայ ազգեպանը նւիրում էր իւր պաշտելի Աստուծուն իւր քրտանց աշխատութեան պտուղները, հացելով նորա հովանաւորութիւնը:

Բացի սորանից պատմագիրները վիշտակում են որ Անահատակ տօնին Համերը՝ այդ դիցուհուն պատելու և մեծարելու հտմար, ի միջի ակոց ընծացում էին և բոսեր: Ակսպէս, Ագաթանցեղոսի ասելով՝ Տրդատ թագաւորը հրամակեց Գրիգորին (Լուսաւորչին) մատուցանել Անահատակ պատկերին ծաղկեաչ պսակ և ծառերի թաւ ոստեր: Բաց թէ այդ պսակը ո՞ր ծաղկիներից էր կաղմւած, կամ թէ ի՞նչ տեսակ բոլոսերի թաւ ոստերից էր հիւսւած՝ այդ չէ վիշտակում պատմագիրը: Բաց պատմական վիշտակարաններից օգուտ քաղելով, կարող ենք հետևեալ բացատրութիւնը տալ այն բոսերի ծաղիկների մասին:

Անահատակ ոսկէ արձանը կանգնած էր Մեծ և Փոքր Հակիքի մէջ, Եկեղեց դաւառի Երիզակ աւանում, Գալլ գետի մօտ: Գարեգին եպիսկոպոս Սրուանձտեանցը կարծում է որ այդ տեղը պէտք է լինի այժմեան Սատաղ գիւղը ուր իրաւ մինչեւ աչժմ զտնուում են հնութեան վիշտակներ: Սատաղ գիւղը կանգնած է Աղդաղ կամ Սպիտակ լերան վերաց, ոչ հեռու Երզնկալից, մի աճնպիսի տեղամ, որ վայելէ այդ դիցուու մեհենին: Այստեղից բացւում են երկու մաս հովիտներ՝ մէկը գէպի Փոքր՝ միւսը դէպի Մեծ Հայք: Այնտեղ ի ցուց երկու կողմերի բնակիչների պէտք է մի նէր կանգնած Անահատակ ոսկէ արձանը: Եթէ այս Անահատութիւնը ճիշդ է, ուրեմն Անահատակ տաճարը մի այնպիսի տեղումն էր գտնուում, ուր Հայտատանի միջին և բլրավին բուսաբերութեան տեսակները կարող էին լինել, որոնց մէջ գտնուում են բազմատեսակ ծաղիկներ ու բարձրուղիչ ծառեր: Աղբերաց շրթներէն կը քաղենք շուշան ու դիներբուկն, լերան կողերին գաբն ու խաւարծիլու,

¹⁾ «Թորոս Աղբաբ», մասն Երկրորդ, Եթես 45:

ասում է Գարեգին եպիսկոպոսը նոյն երկասիրութեան մէջ. Մեր նախնիքն էլ իրանց գիցուհուն պաշտելու և մեծարելու համար Սատաղ գիւղի մօտ և շուրջը կարող էին գտնել առաստութեամբ վարդ ու հարսնամատ, դեղին անթառամ, աղբերաց արիւն, նարդիղ, մանուշակ, պէս պէս շուշաններ, զիներբռւկն, վառվուկ, հոչոչ, մեծրածուծ, եղածաղիկներ և ազն, որոնցից կարելի կը լինէր հիւել գեղեցիկ պուակներ. Էսկ ծառերից՝ կան կաղամախի, թեզօշի, հացենիի, աղկիի և ալաժահրի անտառներ. Ուրեմն մեր նախնիք Անահուն փառաբանելու և նորա հովանաւորութիւնը հայցելու համար կարող էին աչդ ծառերի թաւ սատերը նսիրել իրանց դիցուհուն:

Բացի զորանից մեր նախնիքն ունէին և սրբազն պրակներ և անտառներ, որոց մասին Ա. Խորենացին լիշտում է, ասելով թէ «զԱնուշաւան որ Սոս անուանէին, քանդի ծօնեալ էր ըստ պաշտմանց ի սոսիոն Արամանեկաւ որ Արմաւիր, զորոց զսաղարթուցն սօսաւիւն ըստ հանդարաւ կամ սաստիկ շնչելու օդոն և եթ սասոց շարժումն, սովորեցան ի հմաս աշխարհիս հայկազանց և սկս բազում ժամանակս»¹⁾. Սորանից երեւմ է որ «ոչ ծառն և անտառը սրբազն էին համարւում և մեծարւում էին մեր նախնեաց կողմից իրեմ իրանց բազի կամ վիճակի մասին կատարելու էարմար վակեր».

Հեթանոս հայն պաշտում էր նոյնպէս բարտի ծառը, որովհետեւ Ներսէս Շնորհալին «Ընդհանրականի» մէջ²⁾, ուղղելով իւր խօսքը Արմերդիներին, ասում է «Ա զբարտի ծառն մի աւելի պաշտէք քան դուրին և զկաղամախին և զարս ի ծառոց, քանդի աչդ ծառ, որ բարտի անուանի

ի կուապաշտութեան ժամանակին ի պաշտօն առեալ էր նոցա լորս և զեք մոտանէին և ի մարդկանէ երկրպագութիւն ընդունէին»:

Ծաղիկներն ունէին նոյնպէս իրանց աստուածը. աչդ էր հօրուածօրութ գեղեցիկ սպիտակ ծաղիկն, որ թրան հետ բերում էր գարունը՝ հեթանոս հայն ձմեռւակ դժնդակ ու տաղակալի անգործութիւնից սթափեցնող տարւան աչդ պանծալի եղանակը. Եւ ինչպէս չը պաշտէր հեթանոս հայն աչդ զարնանաբեր ծաղիկն, ապրելով Հայատանի պէս սառը և ձիւնապատ երկրում. Մի տանաւորի մէջ ալսպէս է զիմատրում բանաստեղծը աչդ ծաղիկների դիցուհուն ³⁾.

Ես հօրուատիկ-մօրուտիկ
Դրախտի հիւսած նարօտիկ,
Նախշուն սիրուն խատուտիկ,
Կանաչ դաշտաց դիցուհիկ:

Ես հօրուատիկ-գարնան դիք
Զեւումն դրախտի բանալիք,
Դրախտի դոներ բաց արի,
Գարուն տամ ձեր աշխարհի և ազն:

Հեթանոս հայ ժողովուրդն՝ իւր գարնան զիցուհուն պաշտելուց զատ, սրբազն և նսիրական էր համարւում և ուրիշ ծաղիկներ և խոտեր, Ասպէս Մովսէս Խորենացւոց բերած զուսանոց երգերի աչս հատւածը թէ, «այս և ասեն, տենչակ Սաթինիկ տիկին տենչանս՝ զարտախուր խաւարտ և զտեց խաւարծի ի բարձիցն Արդիցն»²⁾, որ թէ մի քանի բառերի բուն նշանակութիւնը չիմանալու պատ-

¹⁾ Հօրուած-Մօրուտ, գարուն Հայոց աշխարհի Ասմուէլ Գիւլ-զագեանց, Մեղու Հայաստանի N. 35, 1884 թ..

²⁾ Ա. Խորենացի, գիրք Ա., գլ. 1.

¹⁾ Ա. Խորենացի, գիրք Ա., գլ. 1.

²⁾ Ընդհանրական Ն. Շնորհաւոյ, յաղագս Արմերդացն դարձի:

ճառով, բոլոր թարգմանիչներից այլապէս է բացատրւած, սակաւն այդ հատւածի մէջ մի քանի չափանի բոլսերի անուններ են լսում, որ իւր ժամանակին Սաթինիկի ալրւած ու զառնացած սրտին սպեղանի պէտք է լինէին. Ալանաց նազելի Սաթինիկն՝ Արտաւազգի բարք ու վարդից դառնացած՝ իւր ընտանեկան կեանքի համար, սաստիկ ցանկանում էր Արգաւանալ գոդից ստանալ՝ արդարութ, իստարդ և իստարդէլ բոլսերի նորածիլ տերեները. Բայց թէ ինչ նշանակութիւն ունէին այդ բոլսերն ան ժամանակ և ինչ խորհրդով էին գուսանաց երգերում դոքա երգում, անկարելի է առ ալժմ այս հարցերին բաւարար մեկնութիւն տալ¹⁾.

II

Վրաց և մեր ուրիշ դրացի ազգերի մէջ սրբազն ծառերի և անտառների մեծարանքը նոյնպէս շատ էր տարածւած. Արխազները, չէրքէզները, մինզրէները չափանի տեղերում ունէին իրանց սրբազն վայրերն, ուր զոհաբերութիւն էին անում, պահպանելով այդ վայրերը մեծ պատւով. 1889 թ. Դիննիկ ճանապարհորդը զարմաց-

1) Պ. Եվլեմ Գաւաթեանը, «Արձագանք» 1886 թ. № 39, հիմն ելով հայոց լեզուի մի քանի արմատական բառերի և քերականական յարտնի կանոնների վերայ, փորձում է այդ հատւածին հետևեալ բացատրութիւնը տալ՝ «Սաթենիկ տիկինը սաստիկ ցանկանում էր վայրայել Արգաւանայ արաաքուստ սամբազատ արտախուը և նորա թաշեայ բարձերի փունջը»: Սակայն հանգուցեալ պրօֆէսուզ Ք. Պատկանեան իւր «Մագերիալ» ձարանակաց Սլովարա» (Նայ բառերք համար Կիւթեր) մէջ, յիշեալ բառերը՝ արտախուը, խաւարա, խաւարծի՝ համարում է բոյսեր և սոցանից արտախուը ենթադրում է պարսից զարդի վարը, որ պարտզի խոս է գեղին ծաղկով և անուշ հոտով:

մամբ տեսել է Վերին Օսէթիակի Ստուր Դիգորի առւլի մօտ մի փոքր տարածութեան վերաէ մի ալդպիսի սրբազն անտառ, մինչդեռ շրջակալքը ներկաւացնում էր սոսկ մերկութիւն: Այդ անտառի ծառերը՝ Դիգորեցւոց օրէնքով, ոչ ոք իրաւունք ունէր կտրել. ծառի չորացած ձիւղեն անգամ հասարակ մանկանցուն իրաւունք չունէր վերցնել. որովհետեւ այն պատկանում էր հոգիորական անձանց՝ քահանապին կամ եկեղեցւու միաբաններին»¹⁾:

Աւանդութիւնն ասում է որ Ա. Նունէն երբ գալիս է Մցխէթ և նորա աղօթքներով Աստածած կործանում է Արմազզաւ արձանը, այն ժամանակ նա գնում է ազդքաղաքի արենեկան կողմով զեպի մի լեռնավին վալը, ուր հին ժամանակում եղել է մի բերդ և քաղաք: Այստեղ գտել է մի գեղեցիկ բարձր և բազմուստ ծառ, որ կոչում էր Էրէնչիլ-Կուչի ծառ: Այս ծառի տակ երբեմն հանգչում է եղել Բարթամ թագաւորը և ալստեղ Ա. Նունէն աղօթում է վեց օր շարունակ²⁾:

Թագաւորական ազգիում Ա. Նունէն երազում տեսած լուսաճաճանչ երիտասարդի որոշմամբ վերցնում է մայրերի ստերում բուսնող այն ծառի տակից հող և տալիս է իւր ամուլ տանտէրերին ուտելու: Այն ժամանակ նոցա զաւակ է չնորինելք:

Քրիտանէութեան նոր մտած ժամանակ, երբ մարդիկ գեռ ևս բոլորտին զերծ չէին կուապաշտութեան ազղեցութիւնից և դարձեալ հակումն ունէին դէսի նախնի խորհրդաւոր աւանդութիւնները, նոքա ամենապարզ փաստերն անգամ սովոր էին բացատրելու հեթանոսական հոգւով: Այսպէս երբ Մցխէթի տաճարը շինւեց և նորա

1) Յիշատակական Կայսերական Խուսաց աշխարհագրական Ըսկերութեան Կովկասու քահնի, գիբք XIX, գրքոյի առաջին:

2) Բըսամէ, «Պատմութեան վրաց»:

օծման համար հրաւիրւեց Յովհաննէս եպիսկոպոսը, աւանդութիւնն ասում է, որ սրբազնն ուշաղրութիւն է գարձրել մի գեղեցիկ հոտաւէտ ծառի վերակ, որ կանդնած է եղել մի բարձր և անմատչելի ժայռի գլխին. Սա հրաշագործ ծառ էր. ևթէ նետով վիրաւորած մի կենդանի ուտէր նորա տերևները կամ սերմերը, բժշկում էր, մինչև անգամ եթէ վիրաւորած լինէր կենդանու ամենալիտանգաւոր տեղը. Որովհետև հեթանոսներին զարմացնում էր այս հանգամանքը, ուստի նոքա մատնացուց են արել այս ծառը Յովհաննէս եպիսկոպոսին, Եպիսկոպոսը հրամանել է կտրել ծառը և նորանից խաչ շինել. Երբ այս հրամանը կատարում է և տասը տասնեակ մարդով բերում է Մցիկթ, այդ ծառը, չը նայելով ձմեռալին ժամանակին, կանաչում է. Մարտի 25-ին կարում են ծառը, բայց նա իւր դալարութիւնը պահպանում է 37 օր, աւտինքն մինչև մայիսի 1-ը, երբ նորանից խաչ են շինում. Այս խաչը շատ հրաշեներ էր գործում, ասում է աւանդութիւնը.

Նոյնպիսի հնագոյն առասպելական աւանդութիւն. Ներին պէտք է վերաբերել Լիբանանու Տայք ծառի մասին եղած հնտեեալ պատմութիւնը, որ պէտք է մի ճզնաւորի հնարած համարել:

«Երբ Աղամի որդին Սեթը, մնոնող հօր պատւէրով, գնում է դրախտից ողորմութեան հողը բերելու համար՝ այդ փառահեղ պարագիփ գոները բացւում են հրեշտակի ձեռքով որ թուլ չէ տեկ նորան այնտեղ ներս մտնելու. Նա տեսնում է Լիբանանու մայք ծառը՝ զէպի երկինքը ուղղած ոստերով. Ծառը կարծես ցուց էր տալիս այն մեծ տարաբախտութիւնը, որին հնթարկեց Աղամը մեղանչելուց. Նա չունէր կենդանութիւն՝ տերեաթափ էր, բայց կենդանութեան չոյս էր տալիս, որովհետև ծառի գագաթին նստած էր փալուն զգեստով մի մանուկ՝ ցուսոյնշան բոլոր ապագակ սերնդոց համար».

Հ 2 6 8

Այս առասպելախառն զրոյցը ցուց է տալիս թէ ին ժամանակներում ինչ մեծ յարգ և պատիւ էր վաճելում Լիբանանու մայրին, որից կառուցւել է Սիօնի տաճարը. Նոյն ժամանակին է վերաբերում խորհրդաւոր պատմութիւնը ինչորի մասին. Այդ պազի մասին առասպելներ կամին ամենայն ժամանակներում և ամեն ազգերի մէջ. Յունաստանի առասպելական Աֆրոդիտէն և Ս. Գրոց Եւան պատկերանում են մեղ այդ պատովը ձեռքներին. Մի առասպելի մէջ ինձորի պաշտպան է հանդիսանում օձը, միւսի մէջ՝ վիշապը. Բոլոր արաբական առակները վերջանում են երկնից իջնող երեք խնձորով. Ողիսնեն այդ պատովը ձեռք բերելու համար մտնում է Ալկինոուի պարտէզը. Նդգալի մէջ (Նախնի հիւսիսալին գերմանական ժողովրդոց դիցաբանութեան ժողովածուն) ասւում է որ Իդունան պահապան է ինձորի, որ զիք երկարարդանալու համար ուտում են. Ազրակելը՝ մահւան հրեշտակը, իւր նւյիրակութիւնը կատարում է ինձորը քթի տակին պահելով. Հիւսիսալին ազգերի առասպելաբանութեան մէջ՝ խնձոր ուտելուց քիթն երկարում է և իւր չեառ իւր նախկին չափն է ստանում միայն տանձի օգնութեամբ. Գարեգին եպիսկոպոս Արտանձտեանցի ժողոված առակների մէջ կաէ մի առակ որ պատմում է թէ թագաւորի աղջիկն իւր նաժիշտաներով էլ և դա զանում մի մեծ խնձոր ուտելուց և ապա նորից իրանց նախկին հերպարանքն են ստանում մի ալլ, բայց աւելի փոքր չափով, խնձոր ճաշակելով¹⁾. Նոյն հեղինակը Տիգրիս գետի ակունքները ացցելելու միջոցին լսում է հետեեալ աւանդութիւնը խնձորի մասին. «Ամեն տարի, Համբարձւան

¹⁾ «Յիշլիսու Դունիա-Դեօգում» ամառ-Հունակ, Երես 225, Կ. Պոլիս. 1884 թ.

տօնին, առաւօտ, անմահութեան խնձոր մի հրեշտակներէն կը դրէի այս ական ջրի մէջ, ուր ամենէն կանուխ համողն միան կը տեսնէ. բաց երբ ձեռն կը կարկառէ առնելու, խնձորն ավ ևս չերեիրու:

Սակայն ամենից նշանաւորն է անուածաղիկը (պաստիֆլորան) որ կրօնաւորների երեակացութեամբ պարունակում է իւր մէջ Քրիստոսի չարչարանաց ժամանակ գործ դրւած բոլոր գործիքների նման մասեր՝ խարազան, մուրճ, բևեռներ, փշեաց պսակ, գեղարդ, մինչև անգամ տասն առաքեալներ բացի մատնիչ Յուղավից և ուրացող Պետրոսից. Ուսւաստանի հարաւային նահանգներից մէկում այդ ծաղկի ծագման մասին հետեւալ աւանդութիւնը կատ.

«Աւագ շաբաթ օր խւղաբեր կանաչը գնում են եղել զառնապէս ողբարով: Սոցա պատահում է մի հեթանոս կին և հարցնում՝

—Ո՞ւմ համար էք ողբում:

—Մեր քրիչ Քրիստոսի համար, որ չարչարւեց մարդկապին ազգի համար, պատասխանել են խւղաբեր կանացք. և սկսել են պատմել հեթանոս կնօջ թէ ինչպէս Տէրն մեր Յիսուս Քրիստոս չարչարւեց մարդկալին ազգի համար և թէ ինչպէս նա իւր արիւնով քաւեց նախահօր մեղքերը:

Հեթանոս կինը լուղւած բացականչում է մեծ է Տէրն մեր Յիսուս Քրիստոս և քարի վերաէ նոտած, ցաւելով դաւնապէս ողբում է իւր մեղքերը: Նորա թափած արտասուքի կաթիւները շիթ շիթ գլուրում են եղել հողի վերաց և ծիլ արձակում գետնի մէջ: Հեթանոս կինն այնքան կոծում և ողբում է, մինչև երկնից ձախն է դալիս՝ թող ներւի քեզ քո մեղքերն և քո արտասուքից մի ծաղկի բուսնի, որ ծանուցանելու է աշխարհին Աստուածորդի Յիսուս Քրիստոսի չարչարանքը: Այդ միջոցին բուրում է

անուշահոսութիւն և հեթանոս կինը տեսնում է որ իւր շուրջը վթթել են գեղեցիկ ծաղիկներ»:

Այդ ծաղիկները պաստիֆլորաներ են՝ չարչարանաց ծաղիկներ, որ ըստ աւանդութեան կրում են իւրեանց մէջ Քրիստոսի չարչարանաց վերև վիշած բողոք դորձիքները:

Մի ավ բոլս, որ նման է տառոյթին և բուսնում է միայն Արեելքում, նոյնպէս մեծ պատիւ էր վաելում, որովհետեւ իւր տերեների վերացեղած բծերով և փշալից պատղեներով վիշեցնում էր Քրիչի մարմնով խոցուած տեղերը:

Գենասարէթից գէպի արևնուաք, Զիթենեաց լեառը շրջապատող հովտում բուսնում են շատ տեսակ շուշաններ և սորա նման բուսեր, ուստի դժւար է ասել թէ խսկապէս որ բոլսի մասին է խօսում Փրկիչը ժողովուրդն ուսուցանելու ժամանակ: Հոչակաւոր բուսաբան Ամիսը կարծում է թէ այդ բոլսն անբելքահն է, որի ոսկեգոյն ծաղիկները «Աղողոմոնի հանգերձից» փայլուն են, միւս բուսաբանները հաւանակութիւն են տալիս, որ այդ պէտք է լինի Բիսկանդիոս շաւշանը կամ կարմիր ճորդուկնը, որ Գալիլեացի շատ տեղերում բուսնում է գարնան սկզբներում, այսինքն այն միջոցին, երբ Քրիստոս լերան վերաց խօսեց իւր առակը: Մարտագոնի բրդան ծաղիկները շատ գեղեցիկ են և հեռու տեղից էլ երեսում են,

Միջնադարեան կրօնաւորները մեծ խնամքով պահպանում էին Կովքաց շաւշանը, կարծելով թէ սա այն ծաղիկն է, որի մասին խօսում էր առակով Քրիստոս լերան վերաց: Խակ Անգլիացում այդ ծաղիկն ունէր անարատութեան նշանակութիւն և համարւում էր որբազան: Սուրբ Լէօնարդի վարուց պատմութեան մէջ, ուր նկարագրում է վիշապի հետ երեք օր նորա վարած արիւնակեղ պատերազմը, այդ սրբով արեան թափած տեղում բուսել են հովտաց շուշաններ, որ ակմա էլ կան Ա. Լէօ-

Նարդի անտառում: Հովտաց շուշաններ հարաւային Եւրոպակից բերած են Անգլիա շատ հին ժամանակից տասներկու և տասներեք երրորդ դարերում ազդ ծաղիկը զործ էր դրում եկեղեցիներ զարդարելու համար: Սակայն երբ սուրբ Դոմինիկոս վերջերում հաստատեց եկեղեցիները վարդերով զարդարելու սովորութիւնը, այն ժամանակ հովտաց շուշաններով զարդարում էին միմիայն Սուրբ Կոչի մատունները զարնան ամփաներում:

Վարդի ծագման մասին կաէ կրօնաւորների հնարած հետեւալ առասպելը՝ պատում են իբր թէ բեթղէնեցի մի քրիստոնեակ կին՝ դատապարաւած լինելով խարուկի վերաէ արւելու, աղաչել է Աստուծոն պահպանել իրան: Ազդ իսկ միջոցին ալրուղ փափերը փոխարկում են կարմիր զարդերի, իսկ չալրող փափերը՝ սպիտակ զարդերի: Այսպէս ծագումն է առել զարդենին կարմիր և սպիտակ զարդերով՝ ի վիշատակ և ի խրատ մարդոց, թէ կարմիր զարդերը մարտիրոսաց ծաղիկներ են, իսկ սպիտակները՝ Ս. Կոչի նշանակ:

Կաէ մի աւանդութիւն որ իբր Մահամէջն է ստեղծել զարդերը: Սակայն Յոյների աւանդութեամբ կարմիր զարդն իւր գոյնն ու անուշահոսութիւնն առել է Աստղիկ դիցուհոց: Մի օր զիցուհին՝ սպիտակ ծաղիկներ քաղելիս, վլրաւորել է իւր մատն և մի կաթիլ արինով ազդ ծաղիկը կարմիր դողնի է ներկում: Իսկ զիցուհու որդի Կուպիդոնը՝ հաւանելով զարդը, զրօշում է նորա վերաչ մի համբուր, որից ազդ ծաղիկը ստացել է իւր այժմնան անոլչ հոտը:

Յոյները շիրմներ զարդարելու համար զործ էին ածում լաւանջակ, կովացնջուկ, նեֆուր և Ֆրենի: Վարդը նոյնպէս զործ էր զնուում միայն թաղման հանդէսներին: Ճենացիք անկում են վարդի թփեր գերեզմանների վերաց: Վերին Գերմանիակում զարդպի վերաչ չաճախակի դնում են վարդի Ներաներ, մինչդեռ Փրանհիացիք հանգստա-

րաններում շվճառին են գործ ածում: Զւիցերիալում և իտալիակում այս նպատակի համար ձառալում է կուռու ծառիչն որ իտալիաի շատ տեղերում մինչև անդամ կոչում է Անջեցելոց ծաղիկը:

Ծաղկազարդին զործ դրուծ ռուենու ոռոգելը՝ Փրկչի Երուսաղէմ մտնելիս ժողովրդի նորան դիմաւորելու վիշատակն են: Կաթոլիկ եկեղեցիներում ուռենու փոխարէն զործ են ածում շմշատի ոստեր: Ուռենի զործ ածելու սովորութեան մասին զանազան բացատրութիւն են տալիս. մի քանիսն ասում են որ ուռենին հին ժամանակում զործ էր զրում իբր վշտի նշանակ ննջեցելոց վերաէ, ինչպէս երեսում է ազդ Վլրգիլիոսի երկասիրութեան մէջ, ուր լաւէրժահարսներն և հովիները նկարագրած են ուռենու տակ նստած՝ իւրեանց սիրեցեալների մահն ողբալիս: Միւսները կարծում են որ Ծաղկազարդին ընճիւղացած է լինում միայն ուռենին, ուստի ազդ տօնին սովորութիւն է զարձել արմաւենու ոստերի փոխարէն զործ ածել ազդ ծառի ոստերը:

Մշտագալար բուսերից՝ ողցին, բուռչն ու ճղուանցը զործ են ածում: Անգլիակում ծննդեան տօնին, Հին ժամանակներում մզամունցը խորհրդաւոր բոս էր համարւում: Նախնի գալլիացիք առանձին նշանակութիւն էին տալիս զորան: Նոյնպէս և նախնի գերմանացիք խորհրդաւոր պատութիւն էին անում նորա մասին: Այսպէս արեգակի և ամրան բարի աստուած Բալգուրը լաղթում է մութ և չար Լօքին՝ գիշերի և ձմրան թագառին, Լօքը երդուում է աւսունեան Բալգուրին չը փիրաւուել այնպիսի մի վենքով որ չինած լինի ամառը կանաչող երկրի վերաչ կամ ջղի մէջ բուսած բուսից: Այսպէս երդուուի չար Լօքին միւսնուն ժամանակ մտածում է եղել վրէժինդը լինելու: Մղամունցը կանաչում է ձմեռն և չը բուսնում ոչ երկրի վերաչ և ոչ ջրի մէջ: Լօքին շինուում

է նորանից վտանգաւոր մի նետ և վիրաւորում է արեգակը, այդ օրւակ և ամրան փալուն աստուծուն անքան ծանր, որ Բալգուրն երկար ժամանակ մահմանի մէջ է մնում և միան աստուծների հօր Վաղանի բժշկարար կարողութեամբ նա կրկին առողջութիւն է գտնում:

Սրբազն էր համարւում այն կաղնին, որի վերաց բուսնում էր մղամունճը: Քրմապետները բնակւում էին կաղնեաց անտառներում: Կաղնու ոստերն ու տերենները դործ էին ածում բոլոր կրօնական հանդէսների ժամանակ: Պոհաբերութիւնը կատարում էին այդ անսակ կաղնիների տակ: Նոյն խակ մղամունճն, որ բուսնում էր կաղնու վերաց, միծ պատիւ էր վակելում և համարւում էր երկնային պարզեւ: Այդ բուսը կարում էին ծառից միծ հանդէսով տարւակ առաջին լուսնի վեցերորդ օրը: Ծառի տակ կանգնացնում էին երկու նոր լծի վարժեցրած սպիտակ արջառ: Զահաբերութիւն կատարող դրուիդը (քրմապետ) սպիտակ հանդերձ հագած բարձրանում էր ծառի վերաց և կտրում էր մղամունճը ուկեաց մանգաղով: Ծառի տակ սփռած սպիտակ կտուի վերաց ընկնում էր այդ բուսն, որ կետով բաժանում էին ներկայ եղողներին: Արջառները զոհուում էին, ազօթելով որ մղամունճը բարեկաջող աղդեցութիւն ունենաց: Մղամունճից ըմպելիք էին պատրաստում, որ համարւում էր ամենալի տեսակ թունի համար զեղթափ և հիւանդաւթիւնների բուժող: Այս ըմպելիքը զործ էին ածում նոյնպէս սպոզաբերութեան համար: Մղամունճի սատը համարւում էր ամենալի տեսակ հիւանդաւթիւնների դարման: Աթէ մարմնի ցաւած տեղը մղամունճի սատ քաէին, մարդս ապարինուում էր: Մինչև ապժմ Անզիլարում իւրաքանչիւր տարի սենեակի առաստաղից կախում են մղամունճի սատեր գործ ածում զանազան խաղերի համար: Կամ ապարի մի քանի տեղերում մնացել է հին սովորութիւն

չունվարի 9-ին, ասմինքն այն օրն, երբ արեգակի աստուծուն իշխանութիւնը սկսում է աւելանալ, մարդիկ քսում են իրանց մարմնին մղամունճի կանաչ սատերը: բայց աչժմ դորա փոխարէն մեծ մասամբ գործ են ածում մախրին (եղինու) սատը:

Նոյն խակ կաղնին ըստ աւանդութեան հիւանդութիւնների բուժող է համարւում: Որինակ՝ Ղրիմում, Թաթարների Բէկուք-Սէլան կոչւած գիւղի մի պարտէզի մէջ կայ մի մեծ կաղնի ծառ, որի մասին ձետենալ աւանդութիւնն են պատմում: «Եղել են իբր երկու եղբարք, որոնցից աւագը լինում է գիտնական և հնախող, իսկ կրտսերը՝ լոկ մի բարի տղամարդ: Այս կրտսեր եղբարք ապրում է եղել իւր աշխատանքով և երբէք չէ եղել դիմում իւր հարուստ եղբօր օգնութեան: Երբ սա հասակն առնում է և նշանաւում և հարսանեաց օրը որոշած է մի նույն էանկարծ նորա նշանածը հիւանդանում է: Բժիշկները հիւանդից ձեռք են վերցնում: Փեսակի միակ չոչն է մնում խնդրել աւագ եղբօրից նորա հրաշագործ թալիսմանը: Աւագ եղբարքը մերժում է տալ նորա թալիսմանը, որովհետեւ նորա սրտով չէր ազուսենութիւնը: Կրտսեր եղբարքը փորձում է յափշտակել նորանից այն մի կառը փափար, որից կախւած է եղել իւր նշանածի կեանքն ու իւր ապագան: Փորձը լաջող չում է: Փեսացուն թալիսմանը ձեռքին արդէն շտապում է դէպի իւր նշանածը, բայց ճանապարհի կիսին եղբօր մարդիկը հասնում են նորան: Որն անձրեալին է լինում: Կրտսեր եղբարքը՝ դարպացած վար է ձգում և տնակիս անում այն կտոր փափար: Սորանից բուսնում է միծ կաղնու ծառ, որի կեղեսով ցածմ բժշկում են թաթարներն և դէպի ազդ հրաշագործ կաղնին ունեցած հաւասն ազատում է նոցա շատ ցաւերից: Կան ապնպիսի հիւանդու-

թիւններ, որ թաթարների աւանդութեամբ բժշկում և
միան նոյն ծառի տակ քուն մտնելով:

Ամենախորհրդաւոր բոլոսերից մէկը պէտք է համարել
չօշակ: Հրէաներն ալդ բոլոսի արմատը հանելու
համար՝ կարում էին բուն արմատից ճիւղերն և դուրս
էին քաշում արմատը գետնից: Ազդ միջոցին արմատը
սաստիկ ձան էր արձակում, որով կարող էր սպանել
ամեն մէկին: Այս պատճառով արմատը հանելիս խորհուրդ
էր տրում պինդ խցել ականջներն և արմատից կապել մի
շուն, իսկ շըլապատողները փախչելով կանչում էին շանը
և նորանից առնում արմատն. ազդ միջոցին շունն իսկոցն
սատկում էր: Այն աւանդութիւնը կաէ նաև Արարատեան
գաւառում:

«Լոշտակ անունով բուս մը կաէ Մշու աշխարհին
մէջ, ասում է Գարեգին եպիսկոպոս Սրուանձտեանցը¹⁾,
չածախ կը գտնի առաւելապէս Ս. Կարապետի փանքին
բոլորը, մացառներու մէջ կարձակէ իւր սատերը, որոնք
կը բարձրանան և կը պատաստին փախտերուն և անոնց
թանձրախիա տերներուն, կը խառնեն իրանց լան տերն
ները, որոնք ձնով նման են խաղողի որթի տերներ,
իրանց ցօղունը նման է որթի բարունակի և խաղողի ողկոյ-
զի ալ շատ նման ողկոյզներ ճութ-ճութ կը կախէ,
միան թէ անոր պտուղները մանրիկ են քանզ խաղողին:
Այս բուն է, որով արմատը մարդանման ըլլալ կը
հայմասեն և թէ մինչև անդամ անոնց մէջ արուն և էզն
ալ լարմինի են: Թէ՛ ալս արմատը հանելու համար լատուկ
աղօթ ըն ունին²⁾ և թէ՛ երբ կը կարեն իւր միւս կտոր-
ներին, ահագին ձանով կը ճչալ՝ ան ուլը կամ հաւը

1) «Գրոց-ըլլոց» կ. Պոլիս, 1874 թ., երես 32—33.

2) Այս աղօթքն էլ տպւած է նոյն հեղինակի «Մանանայ»
Եորագրութեամբ գրքի մէջ, երես 327:

անոր ձալնին զո՞ւ լինի, եթէ ալդ հնար չը լինի, ար-
մատ հանող մարդը պիտի մնունի: Ամենավերջին աստի-
ճան դառնութիւն ունի ալդ արմատը և իդ. Կերպ ցաւոց
ու ախտից դարման է³⁾: Բաւական փափազանօք և
թանգ գնով կը գնեն զախն Նոր-Նախիջնանէն և Հին-Խրիմէն
և ազ կողմերէն Մշու Ս. Կարապետ եկող ուխտաւորներ:

Մի նամակի մէջ, որ գրւած է 1675 թ. լէպացիկեցի
մի բնիկ քաղաքացուց իւր եղբօրը Միգա, կան մի քանի
նկատողութիւններ որ ցոց են տալիս թէ ալդ ժամանակ
որպիսի թերահաւատութեամբ էին վերաբերում մարդիկ
դէպի ալդ մարդանման արմատը: Նամակի մէջ գրւած է՝
թէ՛ քո տնավին գործերը շատ ողբալի վիճակի մէջ
են, քո որդիքը, խողերն, ոչխարներն և ձիաները մեռել
սատակել են, գինիդ, գարեջուրդ նկուդի մէջ թթւել են
և թէ դու կնոջդ հետ ապրում ես անհաջող: Այս պատ-
ճառով առաջարկում է եղբօրը հետեեալ դարմանն ալդ
փորձանքի դէմ, որ լառաջ է եկել չար մարդկանցից:
«Եթէ գտնես լոշտակ և ներս տանես տունդ, բոլորը կար-
գի կը գալ»: Ալդ փորձանքից եղբօրն ազատելու համար,
ինքը գնել է վաթսուն և չորս տալէրով և ուղարկել է
նորա համար լոշտակն և սորա գործածելու համար
հետեեալ պատւէրը. «լոշտակը տուն տարած ժամանակ
երեք օր թող հանգիստ և մի մօտենար նորան: Յետու զի՞ւ

3) Միք. Ուկտեսենի բժշկականութեան մ.ջ (Վ. Էնքանդ, 1822)
թ. Հ. 2, երես 343) տուած է՝ «ի փոշւոյ սորա (արման պատահած կեզ ազդողական ընդդիմ խելագարութեան, լուսնամաս զըգողութեան, երկարաւե ախտից և հիւանդութեան»: Այս թուլացուցիչ, ուժգին լուծողական, միզամեր և գիշան ընու-
թեամբ Այլ սոտակէ զնձիս որպայնի, լուծած պաշանս
մարմնոյ և մասնգամայն սթափէ զթմբեալ մարմինու: Նոյնպէս
զգաւէտ է ընդդիմ շնչարգելութեան, այտուցից և պակասու-
թեան ամսական պարտուց կանանց»:

այն տաք ջրի մէջ և այդ ջրով սրակիր տաւարդ, տան շէմքն և ամենալն ինչ և եթէ լոշտակի հետ կարգին վարժեա, բոլորը լաւ կը լինի: Տարին չորս անգամ լողացրու լոշտակը և ամեն անդամ լողացնելուց վետով փաթթաթիր այն կերպասի մէջ և պահիր ամենաթաճգագին իրերի հետ և ակ ևս քեզ ոչինչ հարկաւոր չի լինի: Մանաւանդ բարեբեր է այն ջուրն որի մէջ լողացրել ևս լոշտակը: Դատաստան երթալիս լոշտակը դիր աջ ձեռքիդ անթի տակ և լաջողութիւն կունենաս թէ արդարութեան և թէ անիրաւութեան մէջ:

Լօշտակի զօրութեան և հրաշաղործ լատկութիւնների մասին շատ զրոյցներ կան մինչև այժմ ֆրանսիացւում և Գերմանիացւում:

Ֆրանսիական մի երկասիրութեան մէջ, որ գրւած է 1718 թ., պատմւում է թէ մի գիւղացի ունեցել է լոշտակի արմաստ մարդու կերպարանքով. այս արմատը նա ձեռք է բերել մի գնչուից. Գիւղացին թաղել է արմատը լուսնի և Աստղիկի բաղդաւոր միաւորութեան միջոցին, գարնան, երկուշաբթի օրն և այն տեղում թափել է կաթն որի մէջ խեղդել է երկք դաշտավին մուկ: Մի ամսից չետոյ արմատն առաջւանից աւելի նմանել է մարդու Յետոյ լոշտակն աղաւանին բոլսի հետ դրել է հոց և ապա փաթթելով լոշտակը պատաճքի մէջ, այսպէս պահպանելիս է եղել. այդպիսով գիւղացին միշտ լաջողութիւն է ունենում թէ որսի ժամանակ և թէ իւր միւս գործերում:

Լօշտակի մասին Եւրոպակի շատ երկիրներում մնացել են շատ աւանդութիւններ: Նորա արմատի կտորներն իրեր թալիսաման պահպանում են սիրով դէմ, կամ իրեր միջոց տեսակին ոդիների դէմ, կամ իրեր պահպան չար մարդկանց և զների դէմ, նաև իրեր դարման հիւանդութիւնների դէմ:

Զինաստանում թէյ-ի մասին հետեւեալ աւանդութիւնը կայ. «Դասմայի մօտ 519 թւականին՝ հնդկաց թաղաւորի որդին դնացել է Զինաստան բուղացականութիւնը քարոզելու համար, Երկարասարդ քարոզիչը վարելիս է եղել ճգնաւորի կեանք՝ կերակրւելով միան զաշտացին ծաղիկներով. նա վճռել է երբէք չը քնել: Երկու տարի նա վարել է այս տեսակ կեանք, բայց մի անգամ նա չոգնած ժամանակ՝ մոռանալով իւր խոստումը, խորը քուն է մոել: Քնից զարթնելով նա շատ վաշտացել է որ գրժել է իւր խոստումն և իրան պատմելու համար խոզել է չօնքերն և անիծելով ձգել է գետին: Քարոզիչը զարմացմաքը նկատել է որ օնքերը մի ժամից լեռու վոխարկւել են մինչև այդ օրն իրան անծանօթ բոլսի տերեների: Ճաշակելով այդ տերեները, դաել է նոցա համեղ ու կաղզուրիչ և առաջարկել է հաւատացեալներին գործ ածել այդ նոր բուսը, որ այդ օրից թէյ անունով դարձել է Զինաստանի մէջ գործածական խմիչք:

Ակապէս ամենաէն ժամանակ ծաղիկները, բոլսերը կամ սոցա մի բանի մասերը միշտ ունեցել են որ և է կապ մարդկապին բանական կեանքի հետ: Ծաղիկների անունների, գոնի, հոտի և տեսքի վերաց չօրինւած են երգեր և կամ նոցա վերացրած է գերբնական զօրութիւն:

Հայերիս մէջ էլ, իրրի զարաւոր կեանք վակելած և ողեկան զարգացման ամենալն առտիճաններն անցած մի ազդի մէջ, նունպէս կան առանդութիւններ կամ վէպեր բուսական թագաւորութիւնն ներկացացուցիչների վերաբերեալ: Խնչպէս տեսանք, հեթանոսական ժամանակներից սկսած բոլսերը պակաս դեր չեն խաղացել հացերի ոգեկան կեանքի մէջ:

Նրբ մեր մէջ տարածւեց քրիստոնէութիւնը, աղն ժամանակից ի հարկէ ծառերի և բուսերի մեծարանաց նշանակութիւնն էլ պէտք է որ փոխէր աւետարանական լուսի ազդեցութեան տակ: Բարտի և սորա նման ծառեր, եթէ հեթանոսական ժամանակներում մարգիկ համարում էին չար ողիների կամ դեերի ապաստանարան, քրիստոնէութեան տարածւելու միջոցին արդ ծառերը պէտք է որ փոխէին իրանց դերը, դառնալով որբազան վազեր սրբերին ծառակելու համար:

Մարգկացին ազգի այս թուլութիւնն և հեթանոսական սովորութիւնների պահպանելու սաստիկ ձգտումը լաւ ըմբռնելով՝ մեր Ս. Գրիգոր Լուսաւորիչը ջանացել է հաստատել և արմատացնել Հայաստանի մէջ աւետարանական ճշմարիտ լուսը՝ կործանւած մեհեանների տեղ Աստուծու տաճարներ կանգնեցնելով և հեթանոսական տօնախմբութիւնները սրբոց տօների փոխարկելով: Այսպէս Նաւասարդի տօնը Նւիրեց նա Ս. Կարապետին և Աթանազին եպիսկոպոս վկացին, որոց Նշանարքը բերելով կեսարիաց և Սեբաստիացից, Տարոնոց (Մուշ) երկրում շինեց Ս. Կարապետի տաճարը: Նոյնպէս Անահատ մեհեանի տեղը կանգնեցրեց Ս. Աստուծածանալ եկեղեցին և այն:

Այս իսկ պատճառով Հայաստանի այն անզերում, ուր հագուն ժամանակում կար հեթանոսական որ և է սրբագալը, աճնաեղ ժողավուրդը շինեց իւր աղօթարանը, «Տիսնաս ձորի մը մէջ, ասում է Գարեգին եպիսկոպոս Սրբաւանձտեանց, բոլ մի ծառ և աղբիւր մը, աւերակ մը հոն Գերեզման մը այս բլուրի վերակ. Խաչքար մը այն ինչ տեղ: Ամեն տեղերն ալ ուխտի կերթալ Մշոկ ժողովուրդ, առանց գիտալու թէ ինչ կաէ այնաեղ: Բաց մտածողին իորհիլ կուտան, թէ այն տեղերը՝ կամ մեծ

ցշատակ մ'է կատարւած, կամ մեծ նահատակ մ'է ինկած, կամ հրաշք մ'է տեսնաւա»¹⁾: Ահա ալդ աեղերում կան սրբազան ծառեր կամ թփեր, մեծ մասամբ չեն և կիսաւէր եկեղեցիների մօտ, որ հեթանոսական ժամանակում գուցէ ունէին իրանց որոշ նշանակութիւնը, իսկ ալժմ ժողովուրդը՝ քրիստոնէութեան ազդեցութեան տակ, համարում է սրբի բնակարան կամ օթեան և մեծարում է ուխտագնացութեամբ: Այդ ծառերի և թփերի վերաց կախւած կամ չորի կտորներ, բժմանքներ և այլ իրեր, որ նւիրել են ուխտաւորներն իրանց ցաւից քժշկւելու մտքով: Տէլոր գիտականի վկացութեամբ՝ շատ ազգեր, մինչև անզամ եւրոպացիք, աւանդութիւն ունին որ կարելի է աղատուել հիւանդութիւնից՝ տալով այն ուրիշ անձի կամ առարկացի: Սորա համար հարկաւոր է տալ ուրիշին կամ կախել ծառից հիւանդին պատկանող կամ նորա վերաց եղած որ և է իր. Այս է իսկ պատճառը որ սրբազան վայրերում գտնուող ծառերն ու թփերը զարդարւած են հիւանդի հագուստից վերցրած կտորներով և այլ իրերով:

Հայաստանում այդ սրբազան ծառերից և թփերից շատ կան, որոնցից աշքի են ընկնում զիմաստրապէս տիսկին, կաղնին, տանձին, նարբանդը, մասրին և այն: Սոքա բումում են սրբոց ուխտատեղիներում կամ այնպիսի վայրերում, ուր ալժմ հնութեան հետք անզամ չը կա: Անտարակոյս կար ժամանակ որ այդ աեղերում գտնուում էր հեթանոսական մի սրբագալը, ուր կտագայ ժամանակում եկեղեցի են կանգնեցրել. իսկ եթէ չեն շինել աղօթատեղիք՝ ժողովուրդն աւանդութեամբ շարունակին է լաճախել ալդ տեղերն և արտապայտուել իւր մեծա-

1) Գրոց-բրոց. Երես 12:

բանքը։ Այդ ուխտատեղերում սրբազան ծառերի ստւերի տակ ուխտաւորները զովանում են, մաճաւանդ որ ուխտագնացութիւնն էլ կատարում է ամառ ժամանակ։ Ուստի և ժողովուրդի մէջ աւանդութիւն է մնացել որ այն սուրբն էլ շոգ ժամանակ նորն ծառի տակն է զովացել։

Այդ սրբավագրերում գտնած ծառերն առհասարակ անձեռնմխելի են վանքում կամ եկեղեցում չը ծառալող օտարների համար։ Նւ եթէ մին վստահանաց նորանից մի ուստի կտրել՝ սուրբը նորան կը պատժէ, կտրած ոստը նորա ձեռքին կը կպչի։ Եւ այդ պատուհասից ազատուել նա կարող է միան վերագարձնելով տարածը հանդերձ գոհաբերութեամբ։ Գետնի վերաց ընկած ծառի չորացած ճիւղերն անգամ ոչ ոք չէ վստահանում տանել և միան թով են տալիս գործածելու զոհի համար։

Ի հարկէ պէտք է նկարձել որ այդ ծառերը պաշտելի են ոչ իբրև ծառեր, այլ իբրև օթնան ժողովրդի որ և է աստուածութեան, կամ իբրև սեպհականութիւն աստուածների։ Սորա ապացուցն այն է, որ ուր ժողովուրդը քրիստոնէութեան ժամանակ չը կարողացաւ իւր հեթանոսական կուսքի փոխարէն Աստուծու տաճար կանգնեցնել, այնտեղ նա ծառի վերակ մեխել է կամ նորա խոռոչի մէջ պահել է մի խաչ կամ սրբոց պատկեր։

Քրիստոնէութեան տարածւելու միջոցին շատ տեսակ ծառեր կորցրին իրանց հեթանոսական աւանդութիւնները, տեղի տալով այն վէպերին և աւանդութիւններին, որոց իմաստը վերցրած է Աւետարանից։ Օրինակի համար՝ Հին Նախիջևանի ժողովրդի մէջ ֆլորի ծառի մասին հետեւեալ աւանդութիւնը կաք։ Մի անգամ Յովհաննէս Մկրտիչ պատարանէլ է փողոցում Ս. Կոչ Մարիամին։ Ս. Աստուածածինը տեղ չը գտնելով իւր կնքահար Յովհաննէսից թագնելու, մտնում է փշատի-

ծառի տակ, որ կուացնելով իւր ճիւղերը ծածկում է նորան Մկրտչի աչքից։ Այդ պատճառով, ասում է աւանդութիւնը, փշատի ծառի երբեմն վեր նախող ճիւղերը մինչեւ այս օրս դէպի վալր են ուղղված։

Այս աւանդութիւնն անշուշտ հիմնեում է այն սովորութեան վերակ, որ գողութիւն ունի շատ հայաբնակ տեղերի մէջ, և որը պահանջում է սանամարից կնքահօրը տեսնելիս թագ կենալ։

Ղազախու և Լորաչ գաւառների ժողովրդի բերնում պատում է մի աւանդութիւն գէնի ծառի մասին։ Այդ ծառը սուրբ է համարում նորա համար, որ հրէաներից հալածւած ժամանակ Քրիստոս փախչելով մտնում է գենի անտառն և պահում նորա խիտ ճիւղերի տակ, և ազդպիսով հրէաներից ազատուելով, Քրիստոս անտառից դուրս է գալիս, օրհնում գենի ծառն ասելով՝ օրհնեալ լինիս գենի և միշտ կանաչ ու անուշ հասր քեզանից անպակաս լինի։ Այս պատճառով, ասում է աւանդութիւնը, գենին միշտ կանաչ է և նորա փախտից անուշ հոտ է բուրում։

Ծիտիոտի մասին պատմում են թէ իբր երբ Քրիստոս քարողելով շրջում էր գաշտերում, ամեն խոս երկրապագութիւն էր տալիս նորան։ Խակ ծխախոտի տերենները նրան տեսնելիս ամեննեին չէին շարժում։ Այդ պատճառով Ցիտոս անիծում է այդ բոլոն ասելով՝ «աւետեան քու տերեններն այրւին»։ այն օրից մարդիկ ծխելով այրում ևն ծխախոտը։

Դեռ մինչեւ ակմմ մեր մէջ Քրիստոսի պահծառա-կերպութեան տօնը կոչւում է հեթանոսական անունով՝ վարդավառ, որ նշիրաւծ էր Աստղիկ դիցուհուն և հնագոյն սովորութեամբ աչժմ տօնում է այն ժամանակից մնացած պարագաներով։ Այս տօնի ժամանակ, ինչպէս լաւանի է, ծաղիկները մեծ դեր են կատարում և նոցա օգնու-

թեամբ ժողովուրդը գուշակում է իւր բաղզը, ներկայումս
ամենաէն ծաղիկ անխտիր գործ է դրում ալդ միջոցին,
թէ հին ժամանակում պէտք է կարծել, որ սորա համար
նշանակւած էին որոշ ծաղիկները միան: Սական մի
քանի տեղերի վերաբերութեամբ կարելի է որոշել որ
չափնի անուշահոտ դեղին բարձրացնէ (ջանգուլումի
ծաղիկը) վիճակի ժամանակ առաջին տեղն է բունում ալ
ծաղիկների կարգում: Նույնական զարգախու բնակիչների
մէջ սովորութիւն կատ ալդ տօնին եղան ճակաաը ծաղ-
կափնջով զարդարելու և ալդ ծաղկափունջը զիսաւորա-
պէս կազմում է հաշոշից: Աւապէս զարդարւած եղներին
առաջն առած՝ ժողովուրդը զնում է դէպի սրբի զուռը:

Համբարձման տօնի նախընթաց երեկուն կէս գիշե-
րից լետու ժողովուրդն ընդունում է որ իւր ծաղիկները
խօսում են միմեանց հետ, չափնելով ալդ միջոցին ան
թէ իրանք ինչ ցաւերի և հիւանդութիւնների համար
կարող են դեղ զաւնալ, կամ թէ չէ գուշակում են ալդ
միջոցին մի տեսակ իմանալ նոցա խօսակցութիւնը և
գուշակել իրանց բաղզը:

Ծաղիկներով համարութիւնը կար ի՛ հին ժամանակում:
Թէոփրասուը պատմում է որ նոցա օրով չոչները համարու-
թիւնը կատարում էին կտշուշի թերթով: Նոքա վերց-
նում էին ալդ թերթն և զնում մի ձեռքի բթամատի
և ձկոտի վերաէ և միւս ձեռքով վրան խփում: Կթէ ալս
միջոցին թերթը ճակթում էր՝ նշանակում էր որ համած
անձնաւորութիւնը սիրում է նորան, եթէ ոչ՝ չէ սիրում:
Այս տեսակ համարութիւն կատ և մեր մէջ. սորա համար
վերցնում են ուրեմնէր ծաղիկը և մի մի հատ նորա
ծաղիկները պոկելով, ասում են՝ սիրում է, չէ սիրում.
այս պատճառով էլ ծաղիկը ստացել է իւր այժմեան
անունը: Ս. Գիւլգատեանցի «Հօրուտ-Մօրուտ» ստանա-
ւորի մէջ այս ծաղիկ մասին ասւած է:

Բացւիր ծաղիկ, ուր-սիրիկ,
Բացւիր, քաղի քեզ մսափիկ,
Վիճակ ձգի իւր բաղդիկ
Մեր գեղերի խեղձ աղջիկ:

Այս աեսակ հմարութիւն կատարում է Գէօթէի
Մարգարիտը «Ֆառաւախ» մէջ, երբ նա ծաղկի թերթերը
մէկ մէկ պոկելով «աիրում չէ, սիրում է» կրկնում:

Բաղզը գուշակելու համար համբեի մէջ կան էլի
ուրիշ բուսեր: Սի բազմմածաղիկ բուսի ճառագալիթաձե
ծաղիկները մի մի հատ պոկելով հմարողն ասում է՝ ապ-
րիմ—չ'ապրիմ, և ծաղիկն ել ստացել է իւր անունը, կոչ-
ւելով «սպիթ—չսպիթ»: Նույնպէս հմարում են էրեցնուէն՝
երեք տերեւ ունեցող բուսով: Եթէ հմարողն ալդ բուսի
վերաէ չորս տերեւ զանէ, իւր բաղդի գուշակութիւնը
կատարուած է համարում: Այս բուսի մասին վասպուրականի
բնակիչներն ուրիշ աւանդութիւն ել ունին, որ վշում
է Գ. Ե. Արուտնածանանցը «Մանանախ» պրի 112 երեսում:
«Երեքնուկ խոտ, որ երեք տերեւ ունի և որ չաճախ ամեն
տեղ կը զանւի, մուրիկ մուրիկ կը փնտուն անոնց մէջէն
բոս մը, որ չորս տերեւ ունենաւ խաչածն, և անուննեւ
աղաս կը լինին զան իրանց վրաւ պահպաներն ամեն
չարէ և կախարդանքէ»:

Ծաղիկները նույնպէս ունին իրանց վէպը. Նոքա առ-
հասարակ ներկայացնում են մէկը քայլ, մէկը սպալը, կամ
երկու քոյլ մէկը մապը, մէկը կնքանալը, միւսը սանամապը.
մէկը տէրաէր՝ միւսը սիրուհի, մէկը սիրուլը՝ միւսը սիրուած,
երկու սրբ եղբարը. մէկը արճոտ սիրու՝ միւսը օձի թուր
կամ միտոծ խան ջալ. մէկը կթոց լի կաթն է սպիտակ
և անարատ, միւսը թոն թափազ հրեղէն վլշապ և ալն¹⁾:

Կուծէնորբուկ ծաղկի մասին ասում են աւանդաբար, թէ ով այս ծաղկեց քաղէ, նորա տան կուժը և միւս ամանները կը կոտրատին:

Հազարանի լեռնալին կողմերում բուսող գործուհի բոսի մասին հետեւեալ աւանդութիւնը կայ. Աթէ որ և է հնարով կարելի լինի, լափշտակելով այս բոսը կրիտից, ձգել զարանակալ մարդու կուրծքում նորա քնած ժամանակ, խակոն և եթ այդ բոսը կը հանէ մարդու սրտից նենդաւոր չարութիւնները, եթէ միան նա իւր սրտի մէջ չղացել է այդ չարութիւնները գործելու. Ասում են նունպէս, որ եթէ այդ բոսը դնեն որ և է դոց երկաթէ կողպէքի վերա, կողպէքն առանց բանալիքի կը բացւի.

Կինածն ի (գարչինի) մասին աւանդութիւնն ասում է, որ եթէ մեկն այդ բոսը զնէ քնած մարդու շրթունքի վերա և բան հարցնէ, պատասխան կը ստանա նորանից:

Խորթութի ծառը շատ տիսոր տիսօք ոճի և այդ պատճառով մողովուրդը տարաբազութեան նշան է համարում այդ ծառը. Աշխատում են այգումն այդ ծառը տանից հեռու տնկել:

Քաշապտակ բոսերից կաէ մի փոքրիկ բոլս, որ մեղանում՝ կոչւում է չօնէ և թօթի. Այս բոսը ժողովրդի մէջ պիտող աւանդութեամբ խորհրդաւոր է համարում. Հիսուսին Աթրիկալի և Պաղէստինէի չոր հովիտներում, նունպէն Աթրաբիալի աւազոտ անապտառում այդ բոսը վարդնի է. Չամպը փոքրիկ թուփ է հինգ կամ վեց չողաչափ (դիւլիմ) բարձրութեամբ. Ծաղկի թափելուց չետու բոսը տերեաթափ է լինում, ոտոերը չորանում են, դէպի ներա են ոլորտում և ամբողջ բոսը մի զնդածն բան է դառնում. Այդ միջոցին բոսն իւր արմատով դիւրութեամբ պոկռում է գետնից և անապտափ միջով գլուրելով, հասնում

է մինչև խոնաւ տեղը. Երբ զիալչում է ջրին, խկոյն ուզգուում է, ստանալով իւր նախկին ձեւը. Յուսի խոնաւութիւնից ուղղելու լատկութիւնն առիթ է տեսլ այն աւանդութեան կաղմելու, թէ նա փթթում է Փրկչի ծննդկան օրն և այդ պատճառով նա կոչւում է Մարիամի վարդ, խոկ Ա.Գրոց մէջ անւանւած է վարդ Նրիփովի²⁾:

Աւանդութիւնն ասում է, որ Ա. Մարիամ' կոչն երկանց ժամանակ բանել է այդ բոսն և ազատել է Մանուկ Քրիստոսից. Մեր հասարակ տասամազերը մեծ փող ևն ծախսում այդ բոսը Պաղէստինէից բերել տալու համար, որովհեամ իրեն միջոց գործ են ածում ծանր երկանց ժամանակ. Այդ ժամանակ նորա ձգում են այդ բոսը ջրի մէջ. բոսը խոնաւութիւնից ուղղում է և նոքա ջու ևն տալիս ծննդականին լաջողութեամբ աղատելու. Իստոք այդ ջրից քիչ քիչ խմեցնում են նորան, իրեն երկունքը թէթեացնելու միջոց, թէպէտ ինքը բոսը չունի բժշկարար լատկութիւն:

Հայաստանում կաց աղբերաց արիսն կոչւած մի փոքր վարդաձե, վառվառն, մուգ կարմրագոյն ծաղիկ. Գուսանց երգերի մէջ նմանեցնելով այդ ծաղիկը սիրելովն, ասում են՝

Ա՛ աղբերաց արիւն՝

Որ բուսար մեջ քարերուն,

Աչուփիդ ի նարկիդ նման,

Մէկն ի քուն ու մէկ արթուն.

Կաէ նունպէս համասպրամ կամ համափետակ անապտառ բոս. Առա ծաղիկները պալծառ են և պէսովիսագոյն:

²⁾ «Եւ երբե զարմաւենի բարձրացայ յենդադա և երբե զառւնի վարդենւոյ յերեքով»: Սիրաք. իշ. 48.



Բունում է քարոտ լերանց ձորերում և մի ուղիղ երեսում է գիշիրանց լուսնի լուսով։ Աւանդութիւններ մեծ զօրութիւն ունի, մինչև անգամ իբր սահմանական արամտութիւն է պարզենում ¹⁾։ Սորա մասին ըստ պիշտի աւանդութիւններ են, որ ասում է թէ սորա ուստողը կամ իւղի հետ խառնած իւր անհամար քսողը կը խօսի ամենափափագ լեզու և կը լցւի անհաման իմաստութեամբ և գիտութեամբ։ Մի ուրիշ տեղում էլ ասւած է՝

Այն Համասփիւռ ծաղիկն որ կաէ, ծաղկել ծառով հաղար բազովն։
Կուր աչերուն լուս կու բերէ, եթէ Տէրն տաէ Աղամոր դւովն։
Երկոսասան արմատ ունի, բուսնի երկոսասան ասրւոնն։
Ամեն թփին դոն մի ծաղիկ, մարդ կու մալի անոշ հոտն։
Արքալիկն օձն է թագաւոր, ինքն սպիտակ որպէս զձիսն
Համասփիւռին կու հետեի և զօրութիւն կառնու հոտովն ²⁾)

Պէտք է լիշել և այն, թէ ծաղիկներն անքան մեծ պատիւ են վայելելիս եղել հայերի մէջ, որ մեր գեղեցիկ սեռը նոցանից մի քանիսի անուններն է կրում Շուշան, Նարզիզ, Ոհհան, Մանուշակ, Համասփիւռ, Անթառամ, Վարդիթեր և այլն թէ հին և թէ նոր ժամանակներում մեր կանանց սովորական անուններն են։

1) Առաջին հայունաց Հայոց, Դ., Վ., Ալիշան, Հատոր առ երես 52.

2) Համագույն գովասաններ ծաղկանց երես 278.



Գինն է 15 դր.

Վաճառւում է Թիֆլիսի հայ զրավաճառանոցներում
և «Մուրհի» խմբագրասաներ:

ԱՆ Հայագիտութեան գրադարան



MAL007791

